

INUIT ATAQATIGIIT

INATSISARTUNI



Sisimiut, 21. januar 2014

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

(Inatsisartuni ilaasortaq Agathe Fontain, Inuit Ataqatigiit)

Apeqqutit:

1. **Royal Greenland A/S nalunaarsimavoq Sisimiuni fabrikki saarullinnik tigooraassaguni Sisimiormiut assagiarsunniat Maniitsumut tunisiartortalissasut. Tamanna Naalakkersuisut isumaqatigaat?**
2. **Saarullit qassit tonsit tigoorarneqarpata qaqugu taamatut pisoqarniarpa?**
3. **Royal Greenland A/S-ip Sisimiuni fabrikkia pillugu pilersaarutai suuppat?**

Tunngavilersuut:

Ukiuni arlaqalersuni Sisimiut nunaqarfiinilu tunitsiveqarneq ajorluinnartumik ingerlavoq. Aalisagassaqaraluartik tunitsivissaqarneq ajormata, tunitsiviillu ammallatuaraangamik ingerlaannaq ulikkaartarput.

Sisimiuni fabrikimi assagiarsunniarneq aallartisarmalli tunitsiviusarnermigut ilisimasanik pisinnaasanillu sulisut misilittagaqarfigillualersimavaat ajunngilluinnartumillu suliarisarlugit. Aalisartut Sisimiuniit Maniitsumut tunisiartortalerniarunik piffissaq orsussamullu aningaasartuutit amerlasuut atortariaqalissavaat. Imarlu unerisimanngitsillugu aalisartut angalanartarnissaat imaannaassangilaq.

Taamatut pilersaarneq aalisartunut pitsaasumik atugassaqartitsiniarnermik kinguneqarsinnaangilaq.